

顱

顱

經

撰人不詳

中華書局

叢書集成初編

小兒藥證真訣（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此 據 函 海 本 排 印
初 編 各 叢 書 僅 有
此 本

顱顱經卷上

宋 闕名 撰

脉法

凡孩子三歲已下。呼爲純陽。元氣未散。若有脉候。卽須於一寸取之。不得同大人分寸。其脉候未來。呼之。脉來三至。吸之。脉來三至。呼吸定息。一至。此爲無患矣。所言定息。呼氣未出。吸氣未入。定息之中。又至此。是平和也。若以大人脉五至取之。卽差矣。如此七至已上。卽爲有氣。或脉如弓之張弦。此爲有氣。並可依後方合藥治之。或七至已下。此爲冷候。亦宜依後方合藥療之。或診候取平。或忽而不見。沉浮不定。伏益根平者。此爲神鬼之病。且合求祟。續宜使藥。或桃柳枝湯浴煎飲子。爲使一兩顆桃心。

孩子脉呼吸十五至已上。三至以下。皆死矣。

病證

初生小兒。鵝口撒噤。並是出胎。客風着顱臍。致有此。可以小艾三壯。及烙之。愈。

初生小兒。至夜啼者。是有瘀血。腹痛。夜乘陰而痛。則啼。

初生小兒。一月內乳痢如膠。是母寒氣傷胃所致也。

初生小兒。一月內乳痢如血。是母胃有滯熱所作也。

初生小兒。一月內兩眼赤者。亦在胎之時。母喫炙煖熱麵壅滯。氣入胎中。熏兒腦所致也。

小兒溫熱皆因從氣實而搏胃氣。然若下之平氣即愈。氣虛則生驚而變癇。

小兒驚癇一從虛邪客熱相搏而生。其後常用補養安和即愈。加以性冷及太過即死。

小兒嘔逆吐皆胃氣虛逆氣客於藏氣而作。當和胃養氣。至下如冷即極。小兒霍亂吐逆皆胃氣與陰陽氣上下交爭而作。常用分和補藥調養即愈。餘皆死。小兒客忤無辜皆因客人所觸及暴露星月。小兒嫩弱所以此候多惡。

小兒一眼青揉癢是肝疳。二齒焦是骨疳。三肉色鼻中乾是肺疳。四皮乾肉裂是筋疳。五髮焦黃是血疳。六舌上生瘡是心疳。七愛喫泥土是脾疳。孩子肌骨肥實皮膚白無故煩渴。此是小時妳猛衝損肺。但依後方內用甘草人參合飲之。若氣急甚胃脹起鼻連眼下臉青色呻吟之聲者。此必死之兆。不得與藥。

孩子利如泔澀者難效。利如鵝鴨血者脾已爛損不宜與藥。

孩子凡有諸色疾苦但眼臉下垂牽必定死矣。

孩子瘡皆難效。或發無時即口嚙咬牙作聲。此必死矣。呼爲瀝瘡疳瘡亦名爲鎖腸疳。

孩子渴喫乳食夜啼作聲此即是腹肚痛。

孩子無故搖頭此是惱頂痛。

孩子喫乳食皆出此是脾冷。

孩子無故肚大頂細四肢消瘦筋脉骨節起自是小來少乳囁食與喫早成骨熱疳勞先宜與保童丸喫。

續與柴胡煎中飲。保童丸方見一切瘡門中。柴胡飲子方見行遲門中。

孩兒頭面胛膊肌厚臂脛細瘦行走遲者是小持也損。

孩子鼻流清涕或鼻下赤痒此是腦中鼻中疳極宜用後方青黛散吹鼻兼傳下赤爛處。方見瘡門中。

已前並診候孩子疾狀孩子氣脉未調藏府胞薄腠理開疎看脉以時依方用藥。

孩子或夏中熱時因乳母沐浴多使冷水妳得冷氣血脉皆伏見孩兒氣未定便與妳使孩子多冒毒及

赤白兩般惡痢此乃是妳母之過凡浴後令定息良久候氣定揉與之即令無患。

師巫燒錢乳母須預祝之勿令着水噴兒皆令驚熱入心轉成患害切細慎之。

凡孩子自生但任陰陽推移即每六十日一度變蒸此骨節長來四肢發熱或不下食乳遇如此之時上

唇有珠子如粟粒大此呼爲變蒸珠子依後方退熱飲子療之不宜別與方藥。幼幼新書註云顛顛以下

以三十二日爲一變說有不同故兼存之。

驚癇癩證治

牛黃丸 治小兒胎驚及癩或心熱。

牛黃

龍齒

馬牙硝

鐵焰粉 各等分

右爲細末鍊蜜丸如梧桐子大每日乳食前熱水調破一九灌下令母忌口。

又牛黃丸。治孩子驚熱入心。擬成癇疾。面色不定。啼哭不出。潮熱無度。不吃乳食。大段眼翻露白。手足逆冷。呼喚不應。

牛黃研

大黃

獨活 各一分

升麻

琥珀 炙別研

大麻 二兩 別研各

右爲末。蜜丸如梧桐子大。空心熱水下一丸。頓服之。食後再服一丸。至十於闔各金銀箔各五片。忌燻炙毒物。

虎睛丸。治孩兒風癇。驚啼不吃乳。

虎睛 一隻

犀角

子芩 各等分

梔子仁

大黃 各十分

右五味爲細末。鍊蜜丸如梧桐子大。驚啼不吃奶。乳汁下七丸。風癇米飲下五丸。至七丸。小兒減丸數。取利爲度。忌毒物。若有虛熱。加知母六分。

又虎睛丸。治小兒孩子二十四種驚癇壯熱。抽掣腳手。嘔吐。夜啼。眼腫。

虎睛 二隻 聖惠

梔子仁

茯苓 各二分

牛黃 少許 聖惠

大黃 各四分

犀角 末 用一分 聖惠

人參 用一分 聖惠

鈎藤 分四

黃芩 用一分 聖惠

蛇退 七寸燒灰，聖惠用一分。

右爲末，蜜丸如黍米大，空心熱水下。隨年九輕者，一服，重者三服。妳汁下亦得。聖惠熱水下，忌妳母痢疾方。治孩子驚癇，不知迷悶，嚼舌仰目。

牛黃 一大豆

右爲細末，研和蜜水服之。

二十味虎睛丸 治孩子從一歲至大，癩發無時，口出白沫，小便淋瀝不和。

虎睛 一隻，生眼佳，煤乾酒浸令黃色。

麻黃 二分，去節。

防葵

龍齒

羌活 各四分

白鮮皮

細辛 一分

蚱蟬 四枚，去翅足炙。

真珠

鈎藤 三分

大黃

銀宵

柴胡

雷丸 燒令赤

蛇皮 五寸，炙。

蜂房 各三錢

鐵精

子芩

梔子仁

升麻

人參 各二分

石膏 五分

右爲末，蜜丸如赤豆大，四五歲五丸，日再服。大兒十丸，濃煎米飲下，忌生冷油膩。

疳痢證治

保童丸 治小兒孩子諸色疳候。或腹內虛脹。驚癇。頭髮立。常咬手指。脊疳。脊勞。臂脛細弱。仍立不得。及鼻下常赤。清涕。涎流不止。舌上生瘡。腦疳。口疳。腹上筋脉。

虎睛雙牛

硃砂

麝香錢各一

牛黃

龍腦

巴豆

芎藭

桔梗

枳殼

檀香

茯神

人參

當歸

羌活

代赭

雞風

白朮各半兩

右爲細末。下香砂巴豆。勻鍊蜜丸。如梧桐子大。一歲至五歲。每日一丸。十歲每日兩丸。並空心米飲下。但稍知孩子病甚。卽加藥與之。孩子未較。妳母忌生冷油膩炙。薄毒魚。大蒜米醋。又方 治孩子疳痢。諸色疳。并一十五種病狀。一腹大。二皮膚黑黃。三骨節鹿。四眼赤。五口赤。六鼻中生瘡。七頭髮黃。八咬指甲。九愛喫土。十愛喫甜食。十一身熱。十二頭大。十三臍凸。十四項細。十五面無光。並宜常服保童丸方。

硃砂半分

牛黃

麝香

蟾酥 各少許

阿魏 二分

右先將硃砂於淨器中研如粉。入諸藥。一時以蒸餅爲丸。忌羊血等。

又方 治孩子疳氣。或釀。肚脹。上筋脉。頭大。項細。喫物不知足。夜中即起。腹內長鳴。

大黃 兩一

陳橘皮 二兩 醃醋二合 浸二日曬乾

蜣螂 二十個 去翅足子 熱燒醋安之以 杯蓋地上去火毒候冷取出炒過

右爲末。蜜丸如梧桐子大。每日空心熟水下十九丸。忌如常。

紫雪圓方 治小兒五疳。兼腹脹。虛脹。疳氣煩悶。或時燥渴。

大黃

黃連

硃砂

麝香 各少許

肉豆蔻

巴豆 去皮以冷水浸 別研各一兩

右爲細末。蜜丸如赤豆大。每服空心米飲下一圓。五歲十歲只可服五丸。臨時加減。忌冷水油膩炙爆。

硃砂丸 治孩子疳痢。辦蟲顏色。定吉凶。

硃砂 連半石 大

阿魏 如砂大

蟾酥 少許

蝙蝠血 三二滴

右爲細末。和少許口脂調。先以桃柳枝煎湯浴兒後。看小兒大小。以桑豆大填兒臍中。後用紙片可臍。

中貼之用青衣蓋兒看蟲出來黃色輕青黑色重

青黛散 治孩子鼻流清涕或鼻下赤癢

青黛 錢一

硃砂 七字

宣連 錢半

蘆會 錢半
瓜蒂 錢半

地龍 錢半
細辛 錢一

右爲細末和合吹鼻中入麝香少許

保童丸

硃砂

麝香

新蟾酥 名等

右研合成劑合子內盛丸如麻子大又於一合子內浸一丸以筯頭點入鼻中亦名問命丸但孩子病甚即與吹之或得七噴可以治之五噴即甚三兩噴必死矣此不可深著水浸臨時入水亦不畏

蓋腦丸 治孩子腦疳鼻癢毛髮作穗面色赤

地榆 炙

青黛

蝦蟇 錢各
石蜜 各二分

蝸牛殼 二十個
麝香 豆許

右爲末吹鼻當有黃水出忌甜物

胡黃連丸 治孩子熱疳

胡黃連

蟾酥各等分

右爲末。蜜丸如菉豆大。五歲熟水送下二丸。

調中丸 治孩子諸疳。或熱攻衝心。肺氣急。晝夜有汗。日漸羸瘦。不吃乳食。

柴胡

茯苓

木香

桂心

枳殼麴炒去

甘草炙

右爲末。蜜丸如梧桐子大。每歲兩丸。至五歲三丸。熱熟水下。忌如常。

地黃煎方 治孩子疳勞。肺氣熱。欬嗽。四肢漸瘦。心肺乾。

生地黃汁五兩

酥

生薑汁

蜜各一兩

鹿角膠兩半

右先將地黃汁安鍋內。慢火煎。手不住攪。約五六沸。下酥。又五六沸。下蜜。次下膠。又下薑汁。慢火煎。候

如稀餚。卽住火。每食後兩度。共與一匙。頭忌毒物。

又方 治孩兒疳蝕口齒。齒齬宣露。臭穢不可近。

葶藶炒

梧桐律等分

右爲末。以臘月豬油調。微煎作膏。取柳木筋子。綿裹。微微搵藥。時焙。

又方 治孩子疳蝕唇鼻及諸瘡。

硫黃

乾漆

文蛤

右等分燒灰稍煙盡研爲末入麝子少許以帛拭瘡濃血後用藥乾摻之立效。

又方 治孩子初患諸色痢及微有疳氣。

右藥不限多少炒令黑拗破看內外相似爲散空心米飲下半錢以歲加減服之忌如常。

又方 治孩子赤白痢。

阿膠

赤石脂

枳殼炒

龍骨

訶子炮牛熱去核各半兩

白朮一分

右爲末一歲二歲空心米飲下半錢。

又方 治孩子冷毒疳痢白膿疳錠瘦弱不喫食腹痛。

青木香一分

黃連半兩

右爲末蜜丸如梧桐子大一歲以上空心熟水下一丸三歲五歲服二丸藥性熱者不宜多服忌生冷。

溫脾散 治孩子水瀉利并脾冷食乳不消嘔乳頻吐。

附子

乾薑

甘草炮剉各半兩

白朮一分

右爲末。空心米飲下半錢。忌鮮魚毒物。

火丹證治

黃帝問岐伯曰。後生少稚。多被惡疾。丹毒二品。若何分之。岐伯曰。陽解百年。一十以上爲毒。一十已下爲丹。丹毒一也。隨其大小分別之。治之有差。至依方。萬無一差。喻人間男女皆遭丹毒。至依此枉死者復何限哉。良由信邪師之語。仍被恐之。愚昧之人。勿與下手。請依方用。今出此圖。形狀如後。按此圖今佚。

伊火丹。從兩脇起。

神竈丹。從肚起。

尿竈丹。從踝起。

胡吹竈丹。從陰囊上起。

天火丹。從腹背遍身起。

天雷丹。從頭頂起。

標火丹。從背甲起。

胡漏竈丹。從臍中起。

廢竈丹。從曲臂起。

神氣丹。從頭背上起。

土竈丹從陰裸起。

朱黃丹赤豆色遍身上起。

螢火丹從耳起。

野竈丹從背脊起。

鬼火丹從面上起。

伊火丹從兩脇起。

右用猪糞燒灰并鐵槽中泥拌調塗之日三。

神竈丹從肚起。

右用土蜂窠杏仁膩粉生油調塗立差。

尿竈丹從踝起。

右用屋四角頭茅草燒灰使雞子白調塗之。

胡吹竈丹從陰囊上起。

右用水茄窠下泥和苦酒塗之。

天火丹從腹背遍身起。

右用樺皮白末和生油調塗之亦用赤石脂羊脂調塗之。

天雷丹從頭項起。

右用陰乾葱末拌赤脂塗。又用竈下土雞子白調塗。
胡漏竈丹從臍中起。

右用屋漏水調竈中土塗之。

廢竈丹從曲臂起。

右用屋四角茅草灰雞子白調塗之。

神氣丹從頭背上起。

右用牯牛骨燒灰羊脂塗之。

土竈丹從陰踝起。

右用屋四角茅草竈橫麻及雞子白調塗之。

朱黃丹赤豆色遍身上起。

右用慎火草搗汁和酒調塗之。

螢火丹從耳起。

右用慎火草搗汁塗之。

野竈丹從背脊起。

右用柔香茸、蒴藋、赤小豆末、塗之、立差。
鬼火丹從面上起。

右用竈下土、鷄子白調塗之、立差。

雜證

平和飲子 治小兒初生、可日與之。

人參

茯苓

甘草炙

升麻 已上各一分

右以水一白盞煎至一合半、已來、時時與之、乳母忌食油膩、滿月、及百晬以來、加之、臨時、冷加白朮、熟加開錢、各半

又方 治孩子臍中不乾

白礬 一錢 煨過

龍骨 分

右爲細末、入麝香少許、每次、使拭臍乾、摻之、用帕裹避風。

青木香散 治孩子陰囊、或如疝腫脹。

狐陰 一雙 炙

蒺藜 炒

昆布

枳殼

地膚子 槐子 一炒 各分